

Rachael Lucas WOK MINISTRI NAMBA 15

10/10

Dispela stadi i helpim mi long mi no ken harim tok bilong God nating
mi mas harim na bihainim tok bilong God na autim long ol arapela Kristen
ol dispela Pasin bilong harim na bihainim na helpim ol arapela Kristen
em i helpim mi long kamap strongpela Kristen. Mi laikim em tru insait
long laip bilong mi olsem na mi mas bihainim Pasin bilong krafs na autim
gutnius bilong em i go long dispela gharus taim mi tingting long bikpela
pe na wok bilong Jisas blong helpim mi sin meri na baim bek mi long sin
olsem na mi mas bihainim olgeta Pasin bilong ^{em} taim mi ritim dispela
buk yu kam bihainim mi wanpela bikpela senis em i kamap long laip
bilong mi. Taim mi save beten em i save strongim mi. BiPo mi bin tok
olsem mi Kristen tasol mi no save harim dispela tok bilong God na
bihainim sampela Pasin em mi save bihainim tasol sampela mi no
save bihainim. Tasol mi stap insait long C U B C bikpela senis em
i kamap long laip blong mi holi spirit em i as tru long strong bilong God
i kam insait long laip bilong mi, beten em i wanpela bikpela samting long
laip bilong mi

WOK MINISTRI 16.

10/10

dispela stadi namba 16 i helpim mi long rot bilong painim Presen
bilong God. Mi ken askim God long soim mi long Presen bilong God
Taim mi no kam yet long C U B C wanpela Presen bilong God em stap
insait long mi em olsem givim bel tru long ol arapela na helpim ol
kabis man meri olsem meri man bilong em i dai pinis o man meri
bilong em i dai pinis mi save laikim tru ol dispela kain lain
na helpim ol long sampela samting ol i sof na sampela taim mi save
go long haus bilong ol na witnes long tok bilong God. Mi no save olsem
dispela Pasin em i Presen bilong God, tasol mi mekim dispela wok.
olsem na tru dispela em i Presen bilong ^{God} mi no klia yet long dispela
Tenkyu long yu lainim mi long dispela Presen bilong God.
TENKYU God Blesim yu.